



## Universitätsbibliothek Paderborn

### **Acta Ecclesiae Mediolanensis**

Actorvm Ecclesiae Mediolanensis, Pars Tertia - In Qva, Liber Memorialis Ad  
populum Ciuitatis, & Dioecesis Mediolanensis, A Beato Carolo Borromaeo  
Titvli Sanctae Praxedis compositus continetur

**Borromeo, Carlo**

**Brixiae, 1603**

Formula concedendi indulgentias.

**urn:nbn:de:hbz:466:1-10502**

Formula describendi matrimonio iunctos in libro. Habetur supra parte 4. Actorum. pag. 806.

Formula describendi fideles in libro status animarum. Habetur eadem parte 4. pa. 618.

Formula approbationis fabricæ Ecclesiasticæ.

**C**Arolus &c. S. N. loci N. plebis N. situm, formam, ac designationem, hac pictura de Architecti periti iudicio & consilio expressam, a nobis diligenter inspectam, cum instructionum nostrarum fabricæ Ecclesiasticæ rationibus congruentem, nos comprobamus, ad eiusdemque præscriptæ omnis designationis typum formamque illius Ecclesiæ instaurationem ædificationemve fieri, & confici, adhibita consultatione Vicarij foranei, & nostra etiam, quando opus erit, in instaurationis ædificationisve progressu, his literis nostris cõcedimus. Dat. &c.

Formula facultatis profanandis Ecclesiam ratione vnionis faciendæ.

**C**Arolus &c. Dilecto nobis in Christo Reuer. D. N. salutem in Domino. His nostris, tam auctoritate nostra ordinaria, quam etiam vigore sacri Concilij Tridentini, & Prouincialis quarti, aliarumque facultatum Apostolicarum nobis desuper concessarum, aliasque omni meliori modo, iure, via, causa, & forma, quibus melius & validius possumus; licentiam & facultatem tibi concedimus profanandi Ecclesiam N. alias Monasterij monialium S. N. per nos superioribus diebus suppressi, & Ecclesiæ Monasterij S. N. vniri: & hoc ad effectum, vt hæc quoque Ecclesia incorporari possit alijs dicti Monasterij ædibus, cum licentia & decreto nostro nuper R. D. N. per prædictas moniales venditis: seruata tamen per te in præmissis forma ex decretis Concilij prædicti Prouincia-

lis quarti præscripta: omnimodasque vices nostras tibi in præmissis & circa præmissa committimus, & delegamus. In quorum fidem &c.

Formula facultatis Construendi sepulera.

**C**Arolus &c. Harum literarum serie Reuerendiss. D. D. Præposito, Canonicis, ac Capitulo Collegiatae Ecclesiæ S. N. Burgi N. Mediolanensis diocesis, vt tria sepulera in eorum Collegiata, ac scholaribus Sanctissimi Crucifixi scholæ Sanctissimi Sacramenti vnitum etiam in dicta Ecclesia alia tria respectiue pro se, eorum que successoribus fodere, construereque, seruata tamen in his, & Conciliorum Prouincialium, potissimum Quarti, ac Visitatoris Apostolici decretis, aliisque a nobis super hoc editis, præcipue fabricæ Ecclesiæ instructionibus, insculptis etiam literis, videlicet N. N. N. N. N. N. N. per nos visis, & comprobatis, modo tamen non superemineant, neque fu- perextent, facultatem concedimus. volentes insuper, ac per præsentis permit- tentes, vt ijdem RR. Præpositus, & Capitulum, ac etiam scholares præfati, humum, terram ve horum occasione in ipsa Ecclesia effossam super alueum vicini torrentis, seu ad alium arbitrio R. D. Præpositi locum eligendi etiam profanum asportari facere possint. In quorum fidem &c.

Formula concedendi Indulgentias.

**C**Arolus &c. Vniuersis Christianis fidelibus præsentis literas inspecturis salutem in Domino. Quanto frequentius fidelium mentes ad opera deuotionis inducimus, tanto salubrius animarum suarum saluti consulimus. Itaque de omnipotentis Dei misericordia confisi, omnibus, & singulis Christianis fidelibus vtriusque sexus verè penitentibus & confessis, qui Ecclesiam Sancti N. a primis vesperis vsque ad occasum Solis eiusdem diei festi deuotè visitauerint, ibique pias ad Deum pre-



preces pro felici statu sanctæ Matris Ecclesiæ, ac hæresum extirpatione, & pace inter Principes Christianos effuderint; centum dies de iniunctis eis, seu quomodolibet debitis pœnitentijs, misericorditer in Domino relaxamus: præsentibus post dictum diem minimè valituris; quas in huius rei fidem manu nostra signauimus, sigilloque Archiepiscopali Sancti Ambrosij, ac nostri Cancellarij subscriptione muniri iussimus. Datum.

Quòd si indulgentia auctoritate Summi Pontificis delegata concedatur, loco eorum verborum, ] Et centum dies de iniunctis eis &c. [ dicatur, ] decem annos, aut septem &c. de vera indulgentia in forma Ecclesiæ consueta, misericorditer in Domino concedimus, auctoritate Apostolica nobis delegata.

Formula euulgandi seu exponendi Indulgentias a Summo Pontifice concessas.

**I**ndulgentia plenaria, e remissione di tutti i peccati alla Chiesa di S.N. nel giorno di S. N.

La Santità di Nostro Signor Papa Clemente Ottauo, per suo Breue dato in Roma alli . . . del mese N. dell'anno . . . Concede Indulgentia plenaria, e remissione di tutti i peccati a tutti i fedeli Christiani dell' vno e dell'altro sesso, i quali veramente peniti, confessati, & comunicati, visiteranno deuotamente la Chiesa di S. N. dalli primi Vespera sin'al tramōtar del Sole del giorno della festa di S. N. profuma a venire, che sarà alli . . . del mese di N. & iui faranno pie orationi a Dio, per la pace & vnione tra Principi Christiani, estirpatione dell'heresie, e felice stato della Santa Chiesa Catholica. Dall' Arciuefcouato &c.

Formula facultatis assumendi informationes de veritate miraculorum.

**C**arolus & cæt. Dilectis nostris in Christo RR. DD. N. & N. salutem in Domino. Cum ad aures nostras de-

uenerit, in loco N. nostræ Mediolanensis Diœcesis, ad Imaginem B. V. M. de N. nuncupatæ, a nonnullis diebus citra magnum fieri concursum populi sub eo prætextu, quòd aliquot ibi edita fuerint, & in dies edantur miracula; volentes ea qua possumus diligentia & solitudine, quemadmodum tum ex sacri Tridentini, tum ex nostris in Concilio Prouinciali decretis tenemur, de ipsorum miraculorum veritate inquirere; vobis, de quorum solertia, pietate, & fide plurimum confidimus, committimus & mandamus, vt ad locum superscriptum accedatis, assumpto vobiscum aliquo Notario, omni diligentia & indagine, de præmissis informationes assumatis, & ad nos referatis, vt quid deinceps sentiendum sit, cum Theologorum, & aliorum piorum virorum consilio deliberare valeamus. Dantes vobis harum serie facultatem, quascunque cuiuscunque gradus & conditionis personas ad perhibendum super præmissis veritatis testimonium omnibus remedijs de iure opportunis cogendi, ac interim etiam populi concursum, quatenus vobis expedire videatur, etiam per censuras ecclesiasticas prohibendi, ac reprimendi, aliaque faciendi, gerendi, & exequendi, quæ in præmissis, & circa ea necessaria fuerint, seu quomodolibet opportuna. In quorum fidem & cæt.

Formula denunciandi consecrationem Reuerendissimi Archiepiscopi.

**Q**uod Felicitis Quarti Pontificis Maximi sanctione decretum est, vt Episcoporum consecrationes quotannis solemniter celebrentur, id in nostra Mediolanensi Ecclesia iam pridem vsu receptum est. Die igitur N. mensis N. anni uersariam Illustriss. Archiepiscopi consecrationem Deo iuuante celebrabimus, quam & vos maiori quoad eius fieri poterit pietate recedentes, pijs precibus & supplicationibus a Domino impetrare conemini, vt idem Pater & Pastor noster multiplices curæ suæ partes perfecte obire & implere valeat.